



**TERTIB ACARA KEBAKTIAN MINGGU
GKPS P.BULAN-RESORT POLONIA MEDAN
MINGGU ESTOMIHI, 15 Februari 2026**



TOPIK: "JESUS IPASANGAP IATAS DOLOG"

1. Votum – Introitus – Tonggo

P : Riap ma hita jongjong!
: **Ibagas goran ni Naibata Bapa, pakon Tuhan Jesus Kristus ampa Tonduy Na Pansing, Sitompa langit pakon tanoh on. Amen.**

Jahowa do gogohku pakon gantarhu, hu Bani do mangarap uhurhu gabe iurupi do ahu. Halani ai marolob-olob do uhurhu, anjaha hupuji ma la marhitei dodingku. Jahowa do pargogoh bani bangsa-Ni, anjaha batar-batar hatuahon do la bani na mininakan-Ni (*Psalmen 28:7-8*. Haleluya, Haleluya, Haleluya.

K : (Mandodingkon) Haleluya, Haleluya, Haleluya!

P : Martonggo ma hita!

Ham Tuhan Naibata Paridop ni uhur. Domma iberehon Ham Anak-Mu na sasada in gantihnami manaron na marsik, ronsi matei tarsilang laho paluahkon hanami. Rajai Ham ma uhurnami ase ibotoh hanami mangkargahon sitaronon-Mu in janah margogoh anjaha marsabar ni uhur hanami mandompakhon sitaronon pakon parlajouan bani goluhnami, halani Ham do batar-batarnami. Parmaloi Ham ma hanami laho pasangaphon goran-Mu marhitei Anak-Mu Jesus Kristus Tuhannami. Amen. (hundul kuria)

2. Mandoding Haleluya No. 201. Puji Tongtong Jahowa Tongon (1+5) do = bes

1. Puji tongtong Jahowa tongon
pardear gabei parholong atei sadokahni in;
pardear gabei in parholong atei in.

5. Sombah bujur Jahowa botul.
Marhahormaton ma hita bai Tuhanta Naibata.
Sai rap marsombah ma bai Tuhan Naibata.

3. Hasasapan ni Dousa

P : Riap ma hita jongjong!

Martonggo ma hita, sopotkon hita ma dousanta hubani Tuhan Naibata. Ham Tuhan Naibata, pargogoh na so tarimbang. Ham do bonani haganup pasupasu na gokan dear. Ihaporsayai hanami, Naibata na bayak do Ham anjaha na sirsir manguseihon bagei ni pasu-pasu pardagingon ampa partonduyon hubani jolma. Domma ijalo hanami pasu-pasu-Mu in marhitei horja na hinorjahon ni tangannami. I tongah-tongahnami buei do halak na marhahura-ngan bani haporluan ni goluh, bani sipanganon, bani pambotoh, na madoyuk anjaha masombuh. Bani hasombuhon pakon hadoyukon in, hotop do lang ipataridahkon hanami goluh ha-kristenon. Lang sari hanami hubani halak na marhahurangan. Sipata rahanan do iparambur-ambur hanami sinadongannami marimbang mambere hubani halak na marhahurangan. Ra do homa itutup hanami panonggornami dompak halak na marhahurangan in. Nuan iakui hanami do haganup dousanami in, halani ai roh do hanami hu lobei-Mu mansopothon dousa pakon hahurangannami. Ham Tuhan, marpangulaki ma uhur-Mu mangidah haganup hahurangan nami in. Idop ma uhur-Mu, sasap Ham ma dousanami, ibagas goran ni Anak-Mu Jesus Kristus Tuhan anjaha Sipaluah hanami. Amen.

Tangar anjaha haporsayai hita ma Hata ni Naibata, bagah-bagah pasal hasasapan ni dousa.

"Songon sintongni manggoluh Ahu, nini Tuhan Jahowa, sabonar seng marosuh uhur-Hu mangidah hamateian ni parjahat, tapi ase mulak do parjahat ai manadingkon dalanni, ase manggoluh ia." (Hes. 33:11).

Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata i babou.

K : Amen. (hundul kuria)

4. Mandoding Haleluya No.356. Hita Ganupan Pardousa (1+3) do = F

1. Hita ganupan pardousa roh ma bai Tuhanta in
Daroh-Ni in do manasap ganupan dousanta in
Roh ma podas hita ganup, ai bai Tuhanta sirsir do ganup
Sai ipaima do hita, pasonangon-Ni ganup

3. Ganup na marhamubahon janah porsaya tongtong
In do na hu hasonangan ronsi sadokahni in
Roh ma podas hita ganup, ai bai Tuhanta sirsir do ganup
Sai ipaima do hita, pasonangon-Ni ganup

5. **Hata Haporsayaon**

P : Riap ma hita jongjong!

Ahu porsaya bani Naibata Bapa, Pargogoh na so tarimbang, na manompa langit pakon tanoh on.

Ahu porsaya bani Jesus Kristus, Anak ni Naibata na sasada in, in do Tuhanta, na tinubuhkon ni si Maria sanggah nape haliaban, marhitei Tonduy Na Pansing. Na manaron na parngit, bani panorang ni si Pontius Latus, iparsilangkon, matei anjaha itanom, turun hu nagori toruh. Mulak manggoluh humbani na matei bani ari patoluhon. Naik hu surga anjaha hundul i siamun ni Naibata Bapa, Pargogoh na so

tarimbang in. Hunjai ma la mulak magira laho manguhumi halak na manggoluh pakon na dob matei.

Ahu porsaya bani Tonduy Na Pansing, bani Kuria parsadaan na mapansing in, parsaoan ni sagala na mapansing in, bani hasasapan ni dousa, bani parpuhoon ni angkula, pakon bani hagoluhan na sadokah ni dokahni. Amen. (hundul kuria)

6. **Acara Khusus: Manaksihon Haporsayaon**

1) Mandoding Halleluya No. 102: 1+2 do = bes

Ham tong-tong ihutkononku, Jesus Sipagoluh ahu
Seng anjai tadingkononku, ham napaluahkon au
Humbai haganup dousangku, pakon humbai uhum in
Natongtong habiaranku, ibaen pardousaonkin.

2) Ai ija ma jumpahan ahu, sada Tuhan songon ham
Namanogunogu ahu bai nasonang songon Ham
Namanaron hamateian lao mangkopkop tonduy hin
Ase masuk au manean ugas sisurungan in

2) Agenda Manaksihon Haporsayaon

3) Mandoding Halleluya No. 327: 3 “Marpangusandeian bani Tuhan in” do = bes

3) Sai dalankon horja ni Tuhanta in,

janah sai dingat ma bani padan in.
Sai sirsir martonggo na porsaya in,
Ai podas ma roh Tuhanta in.
Sai mangarap bani padan ni Tuhanta Jesus Kristus
Sai mangarap ma hita bai partobusan-Ni in.

4) Mangondoskon na manaksihon hubani pengurus namaposo GKPS Padang Bulan

7. **Tingting + Tonggo Pangapition**

8. **Mandoding Mandoding Hal. No. 472. Seng Adong na Dos (1+2) do = G**

1. Seng adong na dos, songon Ham o Tuhan,
na sai sirsir mangkasomani hanai on.
Pitah Ham tongon, Naibata na sintong,
ganup pambahenan-Mu gok halonganan do.
Sagala bangsa do, na jinadihon-Mu
Marsombah roh hu lobei-Mu
Pasangkapkon Ham, ronsi sadokahnin,
timbul janah pansing do goran-Mu ijin.

2. Sai ajarhon Ham, dalan-Mu bangku on,
ase mardalan au bai hasintongan-Mu.
Sai baluti Ham, uhurhon sai tongtong,
ase marhabiaran bani goran-Mu.
Ai pitah Ham Tuhan, na boi haposankin,
bai goluh sidalanankin.
Bokas-Mu nuan, siirikononkin,
na gabe suluh bani pardalanankin.

9. **Ambilan: LUKAS 9:28-36**

10. **Manggalang**

P : Paima iondoskon hita galanganta, tangar hita ma lobei hata ni Naibata na gabe onjolan banta laho manggalang, aima na tarsurat bani: Jona 2:10: “Tapi anggo ahu marhasoman sora puji-pujian do ahu manggalang Bamu, galaronku do na dob hubagahkon. Bani Jahowa do haluahon”. Sonari patumpu hita ma galanganta. (iiringi musik/doding)

GALANGAN (Simalungun)
Cipt. Pdt. Ito Belihar Purba

*Roh hita sonari hu lobeiNi, Tuhanta
Laho manggalang, galangan malas uhur
Dear ondskon ham bani malasni uhur
Martarima kasih hu lobei-lobeiNi
Ai pasu-pasuni buei tumang ijalo hita, ale...*

*Tong dingat ma hita, ganupan na dong banta
Ronsi goluhta, pasu-pasuNi Tuhan
Ai idopni uhurNi do manobus hita,
bai hayu parsilang na gabe galangan
Sai dingat ma hita bani holongNi Tuhan in, ale...*

*Parsahap na pantun in do na gabe galanganta,
parlahou na talup sonai pangabak si pujion
Goluh na ondos in do galangan na maharga,
dear ma boan hita bai Tuhan, Naibatanta!*

*On ma galangan nami, ondos ma Bamu
Rap ampakkon goluh nami, ondos ma Bamu*

11. Tonggo Panutup - Pasu-pasu

P : Riap ma hita jongjong!

Martonggo ma hita mangondoskon galanganta hubani Naibata!
Ham Tuhan Naibata Bapanami, harohan ni haganup. Hun Bamu do harohan ni pasu-pasu hu bannami. Ibere Ham do bannami goluh ampa hagoluhan ari-ari. Ham Tuhan, ijon iondoshon hanami do hu Bamu goluh pakon pasu-pasu na dob binere-Mu in bannami. Sai lambin margogoh ma tongon hanami ihasomani idop ni uhur-Mu ampa pasu-pasu-Mu bani na mandalankon horjanami. Papansing Ham ma galangan na ginalang-konnami on gabe galangan na misbou i lobei-lobei-Mu, ase lambin ihargahon hanami tongon dear ni layak pakon pasu-pasu-Mu in marhitei na pasaudhon harosuh-Mu humbani gogoh, pingkiran ampa sina-dongannami. Tarima kasih ma Bamu

Tuhan. Marhitei Kristus Jesus Tuhannami, jalo Ham ma galangan pakon tonggonami on. Amen.

K : (Mandodingkon Halleluya No. 249:2)

2. Ganup binere-Mu in, tonduy pakon angkulangku
Hosah appa gogohkin ronsi haganup artangku
Huondoskon in Bamu, seng paosoronku in

12. Tonggo Panutup:

P : Ham Tuhan Naibata, parholong ni atei banggal anjaha paridop ni uhur na tarsulur hubannami jolma pardousa on. Martarima kasih banggal do hanami hu Bamu halani sonin ma banggalni sihol ni uhur-Mu mangapiti hanami jolma pardousa on, mambahen sirsir Ham marsitaronon marhitei Anak-Mu Jesus Kristus laho paluahkon hanami humbani uhuman. Seng patut namin Ham manaron na borat in. Halani ai ipaunduk hanami do uhurnami marsombah janah mangelek hu Bamu ase ungkab Ham uhur nami marhitei tonduy-Mu Tonduy Na Pansing in, ase lambin iahapkon hanami sonaha banggalni pangkopkopon-Mu bannami. Ajari Ham ma hanami marpambahenan na talup hu Bamu. Holong ma ham Tuhan, bere Ham ma bannami gogoh ase pori sonaha pe boratni sidalanannami seng mandolei hanami, tapi totap hanami sabar bani sitaronon na idompakhon hanami. Tarima kasih ma Bamu, tarpuji ma Ham Tuhan. Amen.

13. Tonggo “Ham Bapanami”:

P : Ham Bapanami na i nagori atas. Sai na papansing ma goran-Mu. Sai roh ma harajaon-Mu. Sai saud ma harosuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami. Ulang hanami bobai Ham hu parlajouan. Paluah Ham ma hanami humbani pangagou.

K : (mandodingkon: Ai Ham do simada Harajaon pakon Hagogoh on ampa Hasangapon sadokahni dokahni, Amen.)

BE-841, AI HAM DO SIMADA HARAJAON

Es = Do
4 / 4

(KARNA ENKAU PUNYA KERAJAAN)

BE-841
BL-423

S	1	1	.	3	4	5	5	3	4	5	.	5	.
A	5	6	.	1	1	2	5 4	3 2	1	7 1	2 1 7	1	.
T	3	3	.	6	6	7	1 7	5 8	6	2 3	4 3 2	3	.
B	1	6	.	6 5	4 3 2	5 4	3 2	1 7	6 2	5	.	1	.
	Ai	Ham		do	si	ma	da	ha	ra	ja		on	
	Kar	- na		Eng	- kau	pu	- nya	ke	- ra	- ja		- an,	

S	5	5	5	5	1	.	5	.	5	5	5	5
A	3	4	5 1	7 1 2 7	1 3	4 6	5	.	3	4	5	3
T	1 7 6	7 6 5	1 5	2 3 4 2	3 5	6 7 1 2	3	.	1 7 6	7 6 5	1	5 6 8 5
B	1	2	3	5	1	.	1	.	1	2	3	1
	Pa	kon	ha	go	go		hon		am	pa	ha	sa
	dan	ke	- ku	- a	- sa		an,		dan	ke	- mu	- li

S	6	.	3	3	4	4	4	4	3	.	1	.	2	.	.	1	.	.
A	1	2 1	7	1	2	2	2	7	1	.	6	.	6	.	7	5	.	.
T	6	4	8	6	6	6	5	5	5	.	3	.	4	.	.	3	.	.
B	4	2	3	6	2	1	7	5	1 2 1 7	6 5 4 3	2	.	3 4 5	.	1	.	.	
	nga	pon	sa	do	kah	ni	do	kah	ni		ni		A		men			
	a	- an,	sam-pai	sla-	ma	la	- ma	- nya,					A		- min.			

14. Paingkatkon/Pengutusan:

P : Misir ma nasiam, ingat nasiam ma, isuruh Jahowa do hita laho mangambilankon Ambilan Na Madear bani halak na madoyuk, pauli-ulihon halak paruhur na maropuk, maningtingkon haluahon bani halak na tartutup, paharhar gari ni na tarsangkut ampa mangapoh na marpusok ni uhur.

15. Pasu-Pasu:

P : Jalo ham ma pasu-pasu humbani Tuhan Naibatanta:
Ipasu-pasu anjaha iparorot Tuhan Naibata ma ham. Isondangkon Tuhan Naibata ma bohi-Ni hu bamu janah maidop ma uhur-Ni mangidah ham. Idompakkon Tuhan Naibata ma bohi-Ni hu bamu janah ipasorap ma damei-Ni bani tonduymu. Amen.

K : (Mandodingkon: Amen, Amen, Amen).